


# Кўрдим



17:46 / 17 декабрь 502

Кўрдим, кўрдим дунёни

Ҳамиша бир кам кўрдим.

Яхшини армон бирла

Ёмонни бекам кўрдим.

Бағри бутунларни бут,

Ёлғизни ғариб кўрдим.

Бирда нодон, ножинсни

Майдонда ғолиб кўрдим.

Ҳақларни мудом бирдай

Ялқовни ёрти кўрдим.

Кўнгли очик зотларни

Ҳотамдан ортиқ кўрдим.

Бирларни аро йўлда,  
Бирни армонли кўрдим.  
Бирда мунофиқларни  
Давру давронли кўрдим.

Бирларни дунёпараст,  
Бирни иймонли кўрдим.  
Нопокни шод, донони  
Юраги қонли кўрдим.

Бирларни безътиқод,  
Бирларни риё кўрдим.  
Бирларни ўз элига  
Тамом маҳлиё кўрдим.

Бирда кўриб ўқиндим  
Оёқни бош ўрнида.  
Лаъл ўрнида сополни,  
Гавҳарни тош ўрнида.

Вожаб, бирда кўрдим  
Қулни хоқон ўрнида,  
Бирда кўрдим лолани

Бир қатра қон ўрнида.

Бирда кўриб лол қолдим

Дарёни сой ўрнида.

Қуёш ўрнида юлдуз,

Юлдузни ой ўрнида.

**Тўра Сулаймон**  
**«Ҳилол» журнали 4(61) сон**